

Allerley der Alten Heyden (so vor Weyse
leuth gehalten wordē) opinionibus, Mey-
nungen / Wähnen / vnd irigen gedancken
so für die Warheit angenommen worden
vnd noch heutiges tags mordicus vnd frä-
venlich defendirt werden: Dann sie von
einem vngünstigen Himmel vnd Gestirn/
bösen Influentzen, Auch Inspirationibus
Sathanae her rühret / vnd zur selben zeit für
groß Geheimnuß vnd Heiligthumb / wie
noch beim meisten Hauffen der Gelehrten
geachtet wirdt: Da es doch ein irige / fal-
sche / tödtliche / verführische Weißheit ist/
die mit dem Körper im grab zu nicht / staub
vnd aschen wirdt / vnd ist eben diese vor wel-
cher ons der H. Hoherleuchte Apostel Pau-
lus in seiner Epistel. Cavete vobis ab ina-
ni Philosophia, vnd Sehet euch für / daß
ihr nicht durch die falsche Philosophien ver-
führet werdet.

Diese Philosophia, ob sie wol von Zu-
gendt auff in den Schulen ernstlich vnd
fleissig auch gegen mir getrieben / inculcirt
vnd auffgedrungen worden / wie leider heu-
tigs tags andern noch geschicht / so ist sie
mir doch für vnd für / auß sonderlicher ein-
gebung des H. Geistes / suspect vnd ver-

* ij